


醒世千家詩

譚延闓



新編醒世千家詩

李圓淨編

第一篇 孝悌

遊子吟

唐孟郊

慈母手中線。遊子身上衣。臨行密密縫。意恐遲遲歸。誰言寸草心。報得三春暉。

題暉草齋

清劉獻廷

誰將堂上春。得比春日暉。日入光更出。親老無重歸。誰將人子心。得比庭前草。春風日日吹。草色年年好。

題愛日堂

明方孝孺

白日麗青天。朝出扶桑暮虞淵。堂上衰親雪滿顛。坐看白日心茫然。長繩不可繫。急景如流川。羲和羲和停汝鞭。高堂一日如千年。羲和御日之神。

憶母

時督兵
白洋河

明史可法

母在江之南。兒在淮之北。相逢在夢中。牽衣喜且泣。

燕子磯口占

時奉詔勦左良玉兵

明史可法

來家不面母。咫尺猶千里。磯頭灑清淚。滴滴沈江底。

元日哭先大人

清周淑然

一夜思親淚。天明又復收。恐傷慈母意。

暗向枕邊流。

仁孝之言自然流出。

山中夢母

明劉宗遠

霜月照屋壁。霜風湧江波。終夕不能寐。

展轉思懷多。

忽夢吾母來。

宛然度山阿。但問兒衣薄。語短不及他。

兒寒尚可忍。

地下知如何。

慈烏夜啼

唐白居易

慈烏失其母。哇哇吐哀音。晝夜不飛去。

經年守故林。

夜夜夜半啼。

聞者爲沾襟。聲中如告訴。未盡反哺心。

百鳥豈無母。

汝獨哀怨深。

應是母慈重。使汝悲不任。昔有吳起者。

母歿喪不臨。

嗟哉斯徒輩。

其心不如禽。慈烏復慈烏。鳥中之曾參。

燕詩示劉叟

唐白居易

梁上有雙燕。翩翩雄與雌。
銜泥兩椽間。一巢生四兒。
四兒日夜長。心力不知疲。
須臾千往來。猶恐巢中飢。
辛勤三十日。母瘦雛漸肥。
舉翅不同顧。隨風四散飛。
雄雌空中鳴。聲盡呼不歸。
爾當返自思。思爾爲雛日。
高飛背母時。當時父母念。

出門

清高其倬

飛鳥翔遙林。銜哺戀故枝。
人生重別離。况是親衰時。
升堂告行役。語好顏色悽。
暗淚腸中垂。未言向何處。
先說還家期。慈親起送我。
嫁衣典已盡。
愛我不願哭。願我平安歸。
家貧萬事乏。出門成兩悲。
不復餘襜褕。男兒羞低顏。
舍子將語誰。在家同一愁。
傷心最何物。兩輪八馬蹄。
今日行門前。明日行天涯。
寒水鳴咽流。

木葉高下飛。

天晴尙愁人。

風雨秋淒淒。

字字從心坎中流出。與孟郊遊子吟可以並讀。

憶母

清 沈受宏

貧是儒家事。

難安爲老親。

遙憐負米客。

長作倚閭人。

夜續孤燈暗。

朝梳白髮新。

生男亦何益。

只是累艱辛。

從憶母中傳出母之憶子其言藹然。

歸來

清 王鴻緒

吾母倚閭久。

風塵望早歸。

驚看遊子面。

爲浣去時衣。

巖筭經冬出。

慈烏向晚飛。

白華堪志養。

不必羨甘肥。

秋日憶家大人粵遊

清 陸寅

又見秋風動。

蘆花江渚飛。

忍看時序變。

猶與老親違。

遠信無他語。

深情祇望歸。

應憐揮手日。

兒女共牽衣。

憶父

清 宋凌雲

李博妻

吳樹燕雲斷尺書。

迢迢兩地恨何如。

夢魂不憚長安遠。

幾度乘風問起居。

憶母

清 倪瑞璿

徐起妻

河廣難杭莫我過。

未知安否近如何。

暗中時滴思親淚。

只恐思兒淚更多。

題乞丐承歡圖

清 蓉湖愚者

乞兒底事到今稱。

爲解親前色笑承。

多少翩翩裘馬客。

庭幃岑寂冷如冰。

拜掃詩

清 王之鈇

一年始得見兒孫。

正好團圓骨肉恩。

豈意到來來卽去。

空留細雨灑黃昏。

清明行

宋 胡時中

憶昔父母康健時。

清明攜我上邱壠。

如今清明我獨來。

却挈小兒拜先塚。

搔首東風淚滿衣。

江山雖是昔人非。

兒曹問我悲何事。

此意他年汝自知。

寄子詩

熙甯中其父作此寄之。浩卽日歸養。

宋 人

洪浩父

太學何蕃久不歸。

十年甘旨誤庭幃。

休辭客路三千遠。

須念人生七十稀。

腰下雖無蘇子印。

篋中尙有老萊衣。

歸期定約春前後。

免使高堂賦式微。

寄子詩

宋章嘉父以詩卽告歸侍養。其

宋 人

章嘉父

九十衰翁七十兒。

此時那可兩分離。

客鄉已是三年別。

人世應無百歲期。

春雁北飛頻送目。

夕陽西下幾顰眉。

何如及早成歸計。

莫待山榴開滿枝。

寄子詩

洪武中錢塘吳體官四川其父敬夫作此寄之遂歸。

明 吳敬夫

劍閣凌雲鳥道邊。

路難聞說上青天。

山川萬里身如寄。

鴻雁三秋信不傳。

落葉打窗風似雨。

孤燈背壁夜如年。

老懷一掬鍾情淚。

幾度沾衣獨泫然。

此詩與洪章兩詩如出一手口。皆情至之作。令人不忍卒讀。

望月思親

爲章諡作

明 沈周

韋郎五歲失其母。

恃有父存未知苦。

長來見父不見母。

欲入地來地無戶。

仰對青天見缺月。

嗟吾獨見一慈父。

明朝又是月圓時。

死者安能復如此。

常常見月便斷腸。

天或哀憐爲風雨。

宿彭水縣感懷

宋 陸游

木欲靜兮風不止。

子欲養兮親不留。

夜誦此語涕莫收。

吾親之沒今幾秋。

尙疑舍我而遠遊。

心冀乘雲返故邱。

再拜奉觴陳膳羞。

陶盜治米聲洶洶。

木飢吹甍香浮浮。

毛薑屑桂調甘柔。

佐食佳穀百計求。

夜敷枕蓆視衾綯。

晨起薰籠進衣裘。

哀哉此志終莫酬。

有言不聞九泉幽。

北風歲晚號松楸。

哀哉萬里爲食謀。

割肝行

爲蕭田車孝子作

清潘耒

世間至孝稱割股。

車郎割肝心更苦。

一割已足通神明。

再割彌令人天驚。

兒身母身同一體。

平時髮膚不敢毀。

親危力竭無奈何。

一綫可延不惜死。

精誠感天天可迴。

十五齡延糜一盃。

糜一盃能再進。

母不嘗兒心盡。

紛紜萬口爭誇矜。

兒心豈願求名稱。

亦或引古相繩詆。

兒迫遑知律與禮。

若使一念生較量。

寸誠何足動穹蒼。

貧能養親不離膝。

少壯至老如一日。

史家論人須核實。

縱不割肝猶可述。

車孝子割肝愈母病。越十五年再割。母不肯嘗。遂卒。此詩持論平允。卓然史裁。

(以上教孝以下教悌)

七步詩

魏文帝嘗令陳思王植。七步作詩。如不成。將行大法。植應聲云云。帝有慚色。

魏曹植

煮豆持作羹。

漉豉以爲汁。

其在釜下燃。

豆在釜中泣。

本是同根生。

相煎何太急。

送兄

武后時。有七歲女子能詩。武后命賦別兄。應聲而成云。

唐 七歲女子

別路雲初起。

離亭葉正飛。

所嗟人異雁。

不作一行歸。

示弟

唐 韋應物

余解郡符去。

汝爲外事牽。

甯知風雨夜。

復此對牀眠。

始話南池飲。

更詠西樓篇。

無將一會易。

歲月坐推遷。

風雨對牀二句。東坡兄弟爲之流連不置。

示弟

唐 許渾

自汝出門去。

淚痕常滿衣。

家貧爲客早。

路遠得書稀。

文字誰人識。

煙波幾日歸。

秋風正搖落。

孤雁又南飛。

憶弟

明 莊昶

天邊聞一雁。

杳杳向南徂。

今夜西風冷。

他鄉小弟孤。

五人千里去。

九月一書無。

欲寄雙行淚。

憑誰達客途。

亂後初入吳與舍弟小酌

明 王世貞

與汝同茲難。

重逢恐未真。

一身初屬我。

萬事欲輸人。

天意甯羣盜。

時艱更老親。不堪追往昔。醉語亦傷神。

舍弟來都中省視喜而有作 三首

明 彭 桂

相持莫下拜。拭淚認分明。訝汝顏何瘦。

令予痛失聲。飢寒留賸骨。

患難得餘生。乍見渾無語。一時悲喜并。

爲致慈親語。殷勤勸早歸。歎余違井邑。

况汝別庭闈。每念尸饔苦。

深慚彈鋏非。向來多少淚。都染手縫衣。

弟傳親語勸歸而已與弟轉並客途倚閭之思愈切矣此真杜詩

更傳兒女意。盡解憶長安。索飯嘔堪念。

牽衣別自難。兩人今旅次。

八口在江干。此際愁何似。秋風暮更寒。

比不解憶長安更覺可悲不解憫其無知也盡解又憐其慧也

憶舍弟

于 逖

衰門少兄弟。兄弟惟兩人。饑寒各流蕩。

感念傷我神。夏期秋未至。

不識爲何因。不怨別天長。但願見爾身。

茫茫天地間。萬類各有親。

安知爾與我。乖隔同胡秦。何時對形影。

憤懣當共陳。

歡聚示弟行簡

唐 白居易

今日一筵聚。歡暢何怡怡。此樂從中來。他人安得知。兄弟惟二人。遠別恆苦悲。今春自巴峽。萬里平安歸。復有雙幼妹。昨日嫁娶畢。良人皆可依。憂念兩消釋。如馬脫羈縻。身輕心無繫。忽欲凌空飛。人生苟有累。足食常如飢。我心既無苦。飲水亦可肥。予今告吾弟。弟其聽我辭。不歎鄉國遠。不嫌官祿微。但願我與汝。終老不相離。

別兄

被逮時。中途別兄之作。

明 李應昇

病餘憔悴一孤身。歸去寬心慰兩親。長願生生爲手足。鵲鴿原上了前因。

喜德尹至都錄一首

清查慎行

別是尋常會却奇。鵲鴿沙外影離離。可憐半世爲兄弟。兩度相逢在路岐。

留別仲弟德尹

清查慎行

雞聲驚起對牀眠。纔說江關便黯然。與汝未曾經遠別。得歸難定是何年。渡江風物悲元亮。懷土人情感仲宣。瓦屋三間門兩版。頻煩爲我掃東偏。

寄家兄勵齋先生

時客漢皋

清張學尹

噫。喉。霜。鴻。枕。上。聞。天。涯。風。雨。愴。勞。人。
夢。裏。不。知。江。漢。遠。老。來。惟。覺。弟。兄。親。
青。山。又。作。半。年。別。白。首。俄。驚。七。十。春。
歸。期。好。及。黃。花。發。扶。杖。相。將。汨。水。濱。

鬱鬱詞二首

清鄭元世

年荒有兄不顧其弟者。作此詞以感之。

鬱鬱紫荊。枝條紛紛。枝條雖分。其本則均。
弟昆分形。血氣一源。予手若創。予足不伸。
兄兮不關。誰知予之飢寒。予體不伸。予心煩冤。
相彼鳴雁。猶同其羣。胡今之人。不知有弟昆。
念我父母兮。心熱而顙泚。我視之弟。親視之子。

兄弟詩十首

集諸名家

同氣連枝各自榮。些些言語莫傷情。
想。到。此。兄。弟。皆。應。一。回。相。見。一。回。老。
下。淚。還。計。較。什。麼。能。得。幾。時。爲。弟。兄。

兄弟同居忍便安。

莫因毫末起爭端。

眼前生子又兄弟。

留與兒孫作樣看。

後來子姪。你要他和好否。此上二首。係法昭禪師詩。

財物區區莫認真。

一家到底是天親。

萬般要看爺娘面。

骨肉同胞有幾人。

俗語說。好煞是他人。惡煞是家。人。打處還須親兄弟。一些不差。

笑煞痴兒太薄情。

同枝共蒂亦相爭。

銀錢送與他人用。

何不將些讓阿兄。

真可笑。

都受爺娘養育恩。

桃花千朵總同根。

莫將姊妹來輕薄。

十指連心箇箇疼。

會意否。

曾記詩人賦鵲鴿。

何人聽得不惺惺。

如今識得齊家法。

只是妻孥話勿聽。

枕邊言語。原以少聽爲妙。

家財悉聽我親分。

雖有參差不必爭。

譬若更多兄弟輩。

但分債負也該應。

那時爭些什麼來。

百歲光陰如水流。

兄兄弟弟幾春秋。

從前綵服曾同戲。

時日幾何並白頭。

到哥兄弟。相愛相親。
到老來。應倍加親愛。

吾兄吾弟或疑猜。

只合登堂請罪來。

識得連枝關痛癢。

紫荊枯後又花開。

田真兄弟分家。荊紫頓枯。因感而復合。荊花仍茂。物猶如此。何況乎人。

兄弟須知骨肉真。

雖然異母總天倫。

外人尙要相和好。

何況爹爹一脈親。

且看爹面上。

第二篇 仁愛

憫農詩 二首

唐李紳

春種一粒粟。

秋收萬顆子。

四海無閒田。

農夫猶餓死。

鋤禾日當午。

汗滴禾下土。

誰知盤中飧。

粒粒皆辛苦。

呂溫見此詩曰。此人必爲宰相。果如其言。

觀刈麥

唐白居易

田家少閒月。

五月人倍忙。

夜來南風起。

小麥覆隴黃。

婦姑荷簞食。

童稚攜壺漿。

相隨餉田去。

丁壯在南岡。

足蒸水土氣。

背灼炎天光。

力盡不知熱。但惜夏日長。復有貧婦人。抱子在其旁。
左臂懸敝筐。聽其相顧言。聞者爲悲傷。家田輸稅盡。
今我何功德。曾不事農桑。吏祿三百石。歲宴有餘糧。
盡日不能忘。時白公爲
盤屋尉念此私自愧。

織婦吟

清樓梯霞

蟲聲夜呼切。小婦向機泣。非關蕭索動秋心。別有
關情訴衷臆。

去年歲熟棉多房。白花黃梁交道旁。綠窗有女事機杼。
今年早勉何熾燼。禾稼焦爛棉亦空。偶然零落供織紉。
舊衣典食且不充。敢將刀尺泣秋風。夫行采蕨兒無裳。
三冬霜雪寒正苦。腹餓何堪受淒楚。不爲凍鬼卽餓殍。
言罷已覺涕泗橫。拋梭不語心骨驚。今歲窮簷類若此。
請君爲聽織婦吟。

農家

五代顏仁郁

夜半呼兒趁曉耕。羸牛無力漸艱行。時人不識農家苦。
將謂田中穀自生。

示關吏

公知越州。有屬吏孫居中卒。子幼家貧。厚贈送歸。作此示關吏。

宋 范仲淹

十口相依泛巨川。來時暖熱去悽然。關津不用詢名氏。

此是孤兒寡婦船。

淮上遇風

宋 范仲淹

一櫂危於葉。旁觀亦損神。他時在平地。無忽險中人。

非先憂後樂之宰相。不能爲此言。

賣子

清 人

養汝如雛鳳。年荒值幾錢。辛勤當自愛。不比在娘邊。

讀之使人涕下。

買僕

陶淵明示子書。此亦人子也。須善視之。此詩本此意。

清 顧仙根

我家得一僕。人家失一子。同是父母心。還當慎驅使。

新僕

清 吳嘉紀

語少身初賤。魂傷家驟離。饑寒今已免。力役竟忘疲。長者親難淡。

新名答尙疑。猶然是人子。

語從新字起意。一結仁人之言。藹然動聽。

恤下

關 名

奴僕冥頑墮下塵。且應憐念莫生瞋。若能事事如君意。他自將身作主人。

湘江亭宴僚屬

帥譚州時作

宋 眞德秀

從來官吏與斯民。本是同胞一體親。
既以脂膏供爾祿。當知痛癢切吾身。
此邦素號唐風古。我輩當如漢吏循。
今日湘亭一樽酒。更煩散作十分春。

新製布衣

唐 杜甫

桂布白似雪。吳絛軟如雲。
布重絛且厚。爲裘有餘溫。
夜覆眠達晨。誰知嚴多月。
肢體暖如春。中夕忽有念。
撫裘起逡巡。和暖皆如我。
丈夫貴兼濟。豈獨善一身。
安得萬里裘。蓋裹周四垠。
天下無寒人。

哀流民

元 張養浩

哀哉流民。爲鬼非鬼。爲人非人。
哀哉流民。男子無緼袍。婦女無完裙。
哀哉流民。剝樹食其皮。掘草食其根。
哀哉流民。晝行絕煙火。夜宿依
星辰。哀哉流民。父不子其子。
子不親其親。哀哉流民。言辭不忍聽。
號哭不忍聞。哀哉流民。朝不能保夕。
暮不敢保晨。哀哉流民。死者已